

اتوار 25 اگست، 2024

مضمون - سیان

سنہری متن: 1 کرنتھیوں 2 باب 16 آیت

”پر ساڈے وچ مسیح دی سیان اے۔“

جوابی پڑھائی: رومیوں 11 باب 33 توں 36 آیتاں

رومیوں 15 باب 5، 6 آیتاں

33- واہ! رب دی دولت تے سیان تے علم کیسے عمیق نیں! اوہدے فیصلے کنسے سمجھ توں باہر تے اوہدیاں راہواں کیسیاں بے نشان نیں!

34- خداوند دی سیان نوں کنسے جانیا اے؟ یا کون اوہدے اصلاح کار ہوئیا؟

35- یا کنسے پہلاں اوہنوں کجھ دتا اے پئی جید ابدلہ اوہنوں دتا جاوے؟

36- کیوں جے اوہدے ولوں تے اوہدے ای راہیں تے اوہدے لئی ساریاں شیواں نیں۔ اوہدی وڈیائی ہمیشہ تنیکر ہندی رہو وے۔

5- تے رب جیہڑا صبر تے تسلی دا چشمہ اے تہانوں ایہہ توفیق دیوے پئی مسیح یسوع دے مطابق آپس وچ اک دل رہو وے۔

6۔ تاں جو تسی اک دل تے اک زبان ہو کے ساڈے خداوند یسوع مسیح دے رب تے باپ دی وڈیائی کرو۔

درسی وعظ

بائبل وچوں

1۔ یسعیاہ 26 باب 3، 4 آیتاں

3۔ جیدادل قائم اے تہ اوہنوں سلامت رکھیں گا کیوں جے اوہداتوکل تیرے اُتے اے۔

4۔ ہن تیکر خداوند اُتے اعتماد رکھو کیوں جے خداوند یہوواہ ہمیشہ دی چٹان اے۔

2۔ رومیوں 12 باب 1، 2، 16 آیتاں

1۔ ایس لئی اے بھراؤ۔ میں رب دیاں رحمتاں یاد کرا کے تہا تھوں درخواست کرداواں پئی اپنے بدن اجیہی قربانی ہوون لئی نذر کرو جیہڑی زندہ تے پاک تے رب نوں پسندیدہ ہووے۔ ایہہ ای تہاڈی معقول عبادت اے۔

2۔ تے ایس جہان دے ہمشکل نہ بنو بلکہ سیان نویں ہو جاوون نال اپنی صورت بدل دے جاووتاں جوں رب دی نیک تے پسندیدہ تے کامل مرضی تہرے نال پتا کر دے رہو۔

16- آپس وچ اک دل ہو کے رہو۔ اُپے اُپے خیال نہ بنو بلکہ ادنیٰ لوکاں ول متوجہ ہو دو۔ اپنے آپ نوں عقلمند نہ سمجھو۔

3- 2 تمیتھیس 1 باب 7 آیت

7- کیوں جے رب نے ساہنوں دہشت دی روح نیں بلکہ قدرت تے تربیت دی روح دتی ہے۔

4- متی 9 باب 19 (توں پہلی)، 20 توں 22، 27 توں 30 (توں؛) آیتاں

19- یسوع اٹھیا۔

20- تے ویکھو اک بڈھی نے جیدے بارہ ورھیاں توں لو جاری سی اوہدے مگر آکے اوہدی پوشاک دا کنڈا چھو نیا۔

21- کیوں جے اوہ اپنے جی وچ آکھدی سی پئی جے بس اوہدی پوشاک ای چھو لو اں گی تے چنگی ہو جانواں گی۔

22- یسوع نے پھر کے اوہنوں ویکھیا تے آکھیا دھیئے خاطر جمع رکھ تیرے ایمان نے تینوں چنگا کر دتا۔ ایس لئی اوہ بڈھی اوسے ویلے چنگی ہو گئی۔

27- جد یسوع او تھوں اگاں ودھیا تے دوانھے اوہدے مگر ایہہ آکھدے ہوئے ٹرے پئی اے داؤد دے پتر ساڈے اُتے رحم کر۔

28- جد اوہ گھر وچ اپڑیا تے اوہ دوانھے اوہدے کول آئے تے یسوع نے اوہناں نوں آکھیا کیہ تہاں یقین اے پئی میں ایہہ کر سکداں؟ اوہناں نے اوہنوں آکھیا ہاں اے خداوند۔

29- تداوہنے اوہناں دیاں اکھیاں چھو کے آکھیا تہاڈے یقین دے مطابق تہاڈے نال ہووے۔

30- تے اوہناں دیاں اکھیاں کھل گئیاں۔

5- متی 17 باب 14 توں 21 آیتاں

14- تے جدوں اوہ جھتے دے کول اپڑے تے اک بندہ اوہدے کول آیا تے اوہدے اگے گوڈے ٹیک کے آکھن لگیا۔

15- اے خداوند میرے پتر اُتے رحم کر کیوں جے اوہنوں مرگی آؤندی اے تے اوہ بوہت دکھ سہندا اے۔ ایس لئی پئی کئی داری اگ تے گرمی وچ ڈگ جاند اے۔

16- تے میں اوہنوں تیرے چیلیاں دے کول لیا یا سی پر اوہ اوہنوں ٹھیک نہ کر سکے۔

17- یسوع نے جواب وچ آکھیا اے بے اعتقاد تے کج رونسلم میں کدوں تیکر تہاڈے نال رہواں گا؟ کدوں تیکر تہاڈی برداشت کراں گا؟ اوہنوں ایہتھے میرے کول لیاؤ۔

18- یسوع نے اوہنوں جھڑکیا تے بدروح اوہدے وچوں نکل گئی تے اوہ منڈا اوہ سے ویلے چنگا ہو گیا۔

19- فیر چیلیاں نے یسوع دے کول آکے خلوت وچ آکھیا اسی ایہنوں کیوں نہ کڈھ سکے؟

20- اوہنے اوہناں نوں آکھیا اپنے ایمان دے گھالے پاروں کیوں جے میں تہانوں سچ آکھدا آں پئی جے تہاڈے وچ رائی دے دانے دے برابر ایمان ہووے گا تے ایس پہاڑ نوں آکھ سکو گے پئی ایہتھوں سرک کے اوہتھے چلا جاتے اوہ چلا جاوے گا تے کوئی گل تہاڈے لئی ناممکن نہ ہووے گی۔

21- پراہیہ قسم دے بغیر کسے ہو رطراں نسئیں نکل سکدی۔

6- فلپیوں 2 باب 5 توں 11 آیتاں

- 5- اونج دا ای مزاج رکھو جیویں مسیح داسی۔
- 6- بھانویں اوہ رب دی صورت اُتے سی فیروی اوہنے رب دے برابر ہوون نوں قبضے وچ رکھن والی شے نیں سمجھیا۔
- 7- بلکہ اپنے آپ نوں خالی کردتے خادم دی شکل لے لئی تے انساناں ورگا ہو گیا۔
- 8- تے انسانی شکل وچ ظاہر ہو کے اپنے آپ نوں نیواں کر لیا تے ایہتھے تیکر فرمانبردار رہیا پئی موت بلکہ سولی والی موت وی سمہ لئی۔
- 9- ایسے لئی رب نے وی اوہنوں اُچیاں کیتا تے اوہنوں اوہناں دتا جیہڑا ساریاں نانواں توں اُچا ہے۔
- 10- تاں جو یسوع دے ناں اُتے ہر اک گوڈا جھکے۔ بھانویں اسمان والیاں داہو وے بھانویں دھرتی والیاں دا۔ بھانویں اوہناں دا جیہڑے دھرتی دے بیٹھاں نیں۔
- 11- تے رب باپ دے جلال لئی ہر اک زبان اقرار کرے پئی یسوع مسیح خداوند ہے۔

7- رومیوں 8 باب 1 توں 7، 11 آیتاں

- 1- ایس لئی ہن جیہڑے مسیح یسوع وچ نیں اوہناں اُتے سزا دا حکم نیں۔
- 2- کیوں جے حیاتی دے روح دی شریعت نے مسیح یسوع وچ مینوں پاپ تے موت دی شریعت توں آزاد کردتا۔
- 3- ایس لئی پئی جیہڑا کم شریعت جسم دے پاروں ماڑی ہو کے نہ کر سکی اوہ رب نے کیتا یعنی اوہنے اپنے پتر نوں پاپ آلود جسم دی صورت وچ تے پاپ دی قربانی لئی گھل کے جسم وچ پاپ دی سزا دا حکم دتا۔
- 4- تاں جو شریعت دا تقاضا ساڈے وچ پورا ہو وے جیہڑے جسم دے مطابق نیں بلکہ روح دے مطابق چل دے آں۔

5۔ کیوں بے جیہڑے جسمانی نہیں اوہ جسمانی گلاں دے خیال وچ رہندے نیں پر جیہڑے روحانی نہیں اوہ روحانی گلاں دے خیال وچ رہندے نیں۔

6۔ تے جسمانی نیت موت اے پر روحانی نیت حیاتی تے اطمینان اے۔

7۔ ایس لئی پئی بدنی نیت رب دا ویر اے کیوں بے نہ تے رب دی شریعت دے تابع اے تے نہ ہوسکدی اے۔

11۔ بے اوہدا ای روح تہاڈے وچ وسیا ہوئیا اے جسے یسوع نوں مردیاں وچوں جوایا تے جسے مسیح یسوع نوں مردیاں وچوں جوایا اوہ تہاڈے فانی بدناں نوں وی اپنے اوس روح دے راہیں جیوند اکرے گا جیہڑا تہاڈے وچ وسیا ہوئیا اے۔

8۔ عبرانیوں 8 باب 8 (دیکھ)، 10 (میں پانواں گا) آیتاں

8۔ خداوند آکھدا اے دیکھ! اوہ دیہاڈے آؤندے نیں پئی میں اسرائیل دے گھرانے تے یہوداہ دے گھرانے نال اک نواں عہد بنھاں گا۔

10۔ میں اپنے قانون اوہناں دے ذہن وچ پانواں گاتے اوہناں دے دلاں اُتے لکھاں گا میں اوہناں دا رب ہونواں گاتے اوہ میری امت ہون گے۔

9۔ 1 پطرس 3 باب 8، 9 آیتاں

8۔ مطلب سارے دے سارے اک دل تے ہمدرد ہوو۔ بھرا بندی والا پیار رکھو۔ نرم دل تے فروتن بنو۔

9۔ بدی دے جواب وچ بدی نہ کرو تے گال دے بدلے گال نہ کڈھو بلکہ ایس دے اُلٹ برکت منگو کیوں جے تسی برکت دے وارث ہوون لئی بلائے گئے او۔

10۔ 1 پطرس 5 باب 2 توں 4 آیتاں

2۔ رب دے اوس گلے دی گلہ بانی کرو جیہڑا تہاڈے وچ اے۔ لاچاری نال گلہ بانی نہ کرو بلکہ رب دی مرضی دے مطابق خوشی نال تے ناجائز نفع لئی ننیں بلکہ دلی شوق نال۔

3۔ تے جیہڑے لوکی تہاڈے حوالے نیں اوہناں اُتے حکومت نہ جتاؤ بلکہ گلے لئی نمونہ بنو۔

4۔ تے جد سردار گلہ بان ظاہر ہووے گا تے تہانوں جلال دا جیہڑا سہرا ملے گا جیہڑا امر جہان والا ننیں۔

سائنس تے صحت

1۔ 588:11-12 (توں؛)، 15-19

ایہتھے بس اک میں یا ساڈے توں علاوہ کوئی ننیں، بس اک الہی اصول، یا سیان، جیہڑی ساری وجودیت اُتے حکمرانی کردی اے؛۔۔۔ اک اصول دی حکمرانی وچ رہندے نیں۔ رب دی تخلیق دے سارے جزاں سیان دی عکاسی کردے نیں، تے جو کجھ وی ایس کلی سیان دی عکاسی ننیں کردا، اوہ جھوٹا تے غلط اے، ایہتھے تیکر پئی ایہہ عقیدہ وی پئی حیاتی، مواد تے ذہانت ذہنی تے مادی دونوں نیں۔

بائبل دا ایہہ سبق پلین فیلڈ کرسچن چرچ، آزاد ولوں تیار ہو یا۔ ایہہ کنگ جیمز بائبل ویاں آیتاں تے میری بیکراڈ پی وی لکھی ہوئی کرسچن سائنس دی وری کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

2- 13-10:8-5:209

سیان، اپنی ساریاں اصلاحات اُتے برترتے ایہناں ساریاں اُتے حکمرانی کرن والی، اپنے خود دے نظاماں داک مرکزی شمس اے، یعنی اپنی خود دی وسیع تخلیق دی لوتے حیاتی؛ تے انسان الہی سیان دامتعاون اے۔ مادہ تے فانی بدن یا عقل انسان نہیں اے۔

جگ سیان دے بغیر، اوس ذہانت دے بغیر بھیڑی طراں اثر انداز ہوئے گا جیہڑا طوفاناں نوں اپنی گرفت وچ دبا کے رکھدا اے۔ نہ تے فلسفہ تے نہ ای تشکیک پرستی اوس سائنس دے اگے ودھن وچ رکاوٹ بن سکدے نیں جیہڑی سیان دی بالادستی نوں ظاہر کردی اے۔

3- 307:25(دی)-30

الہی سیان انسان دی جندا اے، تے انسان نوں ساریاں شیواں اُتے حکمرانی دیندا اے۔ انسان نوں مادیت دی بنیاد اُتے نہیں بنایا گیا تے نہ اوہنوں مادی قانوناں دی پاسداری دا حکم دتا جیہڑے روح نے کدی نہیں بنائے؛ ایہدا اصولہ روحانی قانوناں، سیان دے اُچے اصولاں وچ اے۔

4- 143:26-4(توں)

سیان ای ساریاں توں وڈھی خالق اے، تے ایچ دی کوئی طاقت نئیں جیہڑی سیان توں اخذ نہ کیتی گئی ہووے۔ جے سیان تاریخی طور تے پہلاں سی، طاقت دے لحاظ نال پہلاں اے، ابدیت دے لحاظ نال وی پہلاں اے تے اوہ دے پاک ناں دے مطابق سیان نوں جلال، عزت، اقتدار تے طاقت دیوے۔ مکتربا غیر روحانی شفاءیہ طریقہ کار سیان تے دوائی نوں کٹھیاں کرن دی کوشش کر سکدے نیں، پر ایہہ دونوں سائنسی طور تے کٹھیاں نئیں ہوون گے۔ اسی ایہناں دونواں دے نال ایچ کیوں کر ناچا ہواں گے، جد کہ ایہناں وچوں کوئی چنگیائی نئیں نکلے گی۔

جے سیان ساریاں توں پہلاں تے برتر اے، تے آواسی سیان اُتے انحصار کر دے آں، جنہوں میٹھلی طاقتاں دے نال کم کرن دی ضرورت ہر گز نئیں اے۔

5- 21-11:216

ایہہ فہم پئی اناسیان اے، تے ایہہ پئی ماسوائے اک سیان تے ذہانت دے ہو رکھ نئیں، فانی حس دیاں غلطیاں نوں تباہ کرن تے فانی حس دی سچائی دی فراہمی لئی اک دم شروع ہو جاندا اے۔ ایہہ فہم بدن نوں ہم آہنگ بناؤندا اے؛ ایہہ عصاب، ہڈیاں، دماغ وغیرہ نوں غلام بناؤندا اے نہ پئی مالک بناؤندا اے۔ جے انسان اُتے الہی سیان دے قانون دی حکمرانی ہندی اے تے اوہ ابدن ہمیشہ دی حیاتی تے سچائی تے محبت دے سپرد اے۔ بشر دی ساریاں توں وڈھی غلطی ایہہ اے پئی اوہ انسان، یعنی رب دی شبیہ تے صورت، نوں مادہ تے روح، چنگیائی تے بُریائی دونوں فرض کر دالے۔

6- 6-32:147

یسوع نے کدی کسے بیماری دے متعلق بطور خطرناک یا شفا دین وچ مشکل قرار نہیں دتا۔ جدوں اوہ دے طالب علم اوہ دے کول اک معاملہ لے کے آئے جنہوں شفا دین وچ اوہ ناکام رہے سی، تے اوہنے اوہناں نوں آکھیا، ”اے بے اعتقاد پیڑی،“ ایس گل دی تقلید کر دیاں ہوئیاں پئی شفا دین دی مطلوبہ طاقت سیان وچ سی۔ اوہنے کسے دوا دے نسخہ تجویز نہیں کیتا، مادی قانوناں دی فرمانبرداری دی حوصلہ افزائی نہیں کیتی، بلکہ ایہناں دے براہ راست نافرمانی وچ کم کیتے۔

7- 16-3:149

سیان بیماری دے علاج لئی اوہناں ای بھار رکھ دی اے جنہاں پاپ دے علاج لئی رکھ دی اے۔ ہر معاملے وچ بوہتا چنگا طریقہ الہی سائنس اے۔ کیہ علم الادویہ دی ڈاکٹری اک سائنس اے یا یو یوں نال بنے ہوئے انسانی نظریاں دا اک اکھ اے؟ کوئی اک نسخہ کدی کامیاب ہو جاندا اے تے دوجی تھان تے اوہ ناکام ہو جاندا اے، تے اینج مریض دیاں مختلف ذہنی حالتاں دے پاروں ہندا اے۔ ایہناں حالتاں نوں سمجھیا نہیں جاندا، تے کر سچن سائنس دے علاوہ ایہناں نوں بغیر وضاحت دے چھڈ دتا جاندا اے۔ سائنس وچ اصول تے اوہ دے کم دی کامیابی کدی فرق نہیں ہندی۔ جے تسی کسے معاملے وچ ناکام ہو جاندا اے، تے ایہدی وجہ ایہہ اے پئی تسی آپ اپنی حیاتی وچ مسیح، سچائی دی حیاتی دا اظہار نہیں کیتا ہندا، کیوں جے تسی اصول دی فرمانبرداری نہیں کیتی ہندی تے الہی سائنس دے اصول نوں ثابت نہیں کیتا ہندا۔

8- 28-18:169

سائنس نہ صرف ساریاں بیماریاں دا منبع دماغی قرار دیندی اے بلکہ ایہہ وی واضح کر دی اے پئی ساریاں بیماریاں الہی سیان توں شفا پاوندیاں نیں۔ ایس سیان دے علاوہ ہور کسے شے توں شفا نہیں ہندی بھانویں اسی کنہاں امی کسے دوا یا ایس

حوالے توں کسے ذرائع اُتے بھروسہ کیوں نہ کر دے ہوئے جیدے ولوں انسانی کوشش یا ایمان راہنمائی دیندا اے۔ مادیت توں جو کجھ وی بیمار نوں حاصل ہندا اوکھالی دیندا اے ایہہ فانی سیان ای اے جیہڑی اوہدے لئی لیا وندی اے نہ پئی ماد لیا وندا اے۔ پر بیمار الہی طاقت دے علاوہ کسے ہو رشتے توں شفائیں پاوندے۔ صرف سچائی، حیاتی تے محبت دے کم ہم آہنگی لیا سکدے نیں۔

9- 6-26:400

نام نہاد فانی سیان دے کم نوں الہی سیان دے راہیں تباہ کیتا جانا چاہیدا اے تاں جو ہو ون دی ہم آہنگی نوں سامنے لیا یا جا سکے۔ ایہتھے الہی اختیار دے بغیر اختلاف ہندا اے، جیہڑا پاپ، بیماری تے موت دے طور تے ظاہر ہندا اے۔

بدن اُتے کلام واضح طور تے پاپ آلودہ سوچ دے خطرناک اثر اں دا اعلان کر دے نیں۔ ایہتھے تیکر پئی ساڈے مالک نے وی ایہہ محسوس کیتا۔ ایہہ گل ریکارڈ وچ اے پئی کئی تھانواں اُتے اوہنے سچائی اُتے ”اوہناں دی بے اعتقادی دے پاروں“ وڈھے کم پورے نہ کیتے۔ کوئی وی انسانی غلطی آپ اپنی ویری ہندی اے، تے اپنے آپ دے خلاف کم کردی اے؛ ایہہ ٹھیک پاسے ول کوئی کم نہیں کردی جد کہ غلط پاسے ول بوہت کم کردی اے۔ جے نام نہاد سیان بھیسرے جذبیات تے بدینتی دے مقصد اں نوں ودھاؤندی اے، تے ایہہ شفا دین والی نہیں ہندی، بلکہ ایہہ بیماری تے موت نوں پیدا کردی اے۔

10- 1-27:62

انسان دی اُچی فطرت کمتر دی حکمرانی بیٹھاں نئیں ہندی؛ جے ایچ ہندا، تے سیان دی ترتیب پٹھی ہو جاندی۔ حیاتی دے بارے ساڈے جھوٹے خیال ابدی ہم آہنگی نوں لکاؤندے نیں، تے اوہ بیماری پیدا کر دے نیں جیدی اسی شکایت کر دے آں۔ کیوں جے بندے مادی قانوناں اُتے یقین کر دے نیں تے سیان دی سائنس نوں رد کر دے نیں، تے ایہدے نال مادیت نوں پہلی تے جند دے اعلیٰ قانون نوں اخیر ی تھاں نئیں مل جاندی۔

11- 12-7:481

مادی فہم روح، رب نوں سمجھن وچ بشر دی کدی مدد نئیں کردا۔ بس روحانی فہم دے راہیں انسان خدائی نوں سمجھدا اے تے اوہدے نال پیار کردا اے۔ سیان دی سائنس دے بارے مادی حساں دے بوہت سارے تضاد اوس نہ دیکھی سچائی نوں نئیں بدل دے جیہڑی ہمیشہ لئی برقرار ہندی اے۔

12- 13-8:372

ہستی دی سائنس، جیدے وچ سب کجھ الہی سیان، یارب تے اوہدا خیال شامل اے، ایس دور وچ واضح تر ہووے گا پر ایس عقیدے لئی پئی مادا انسان دا آلہ اے یا ایہہ پئی انسان اپنی بدنی سوچ وچ داخل ہو سکدا اے، اوہدے اپنے آپ دے عقیدے دے نال اوہنوں بھندہ اے تے فیر اوہدے رشتیاں نوں مادا اکھدا تے اوہناں نوں الہی شریعت داناں دیندا اے۔

13- 32-27:371

دوڑنوں تیز کرن دی لوڑ ایس اصلیت دی پیو اے پئی سیان ایہہ کر سکدی اے؛ کیوں جے سیان گند دی بجائے صفائی، کمزوری دی بجائے طاقت، تے بیماری دی بجائے تندرستی دیندی اے۔ ایہہ پورے نظام وچ بدلن دے قابل اے، تے ایہنوں ’ہر ذرے تیکر‘ بناسکدی اے۔

14- 32:205-3

جدوں اسی الہی دے نال اپنے رشتے نوں پوری طراں سمجھدے آں، تے اسی کوئی ہو رسیان نہیں رکھدے ماسوائے اوہدی سیان دے، کوئی ہو ر محبت، حکمت یا سچائی نہیں رکھدے، حیاتی دا کوئی ہو ر فہم نہیں رکھدے، تے مادے یا غلطی دی وجودیت دا کوئی ہو ر شعور نہیں رکھدے۔

15- 231:30-2

انسان، اپنے خالق دی حکمرانی پیٹھاں، کوئی ہو رسیان نہ رکھدیاں ہوئے، مبشر دے ایس بیان اُتے قائم رہندیاں ہوئے پئی ”ساریاں شیواں اوس“ [رب دے کلام] دے راہیں پیدا ہوئیاں تے جو کجھ پیدا ہوئیاں اوہدے وچوں کوئی شے وی اوہدے بغیر پیدا نہیں ہوئی،“، پاپ، بیماری تے موت اُتے فتح پاسکدا اے۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصداں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصداں یا کماں اُتے اثر نہیں کرنے چاہیدے۔ سائنس وچ، بس الہی پیاراں حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکنان نوں سارے پاپاں توں، غلط طراں دیاں پیشین گوئیاں، منصفاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہدا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔